




縣志卷十四

翰林院編修孫星衍

偃師縣知縣湯毓偉



周禮正義引後漢書緱氏人承平之初年且九十能
通其讀頗識其說鄭衆賈逵徃受業焉

堪

後漢書儒林傳字子穉河南緱氏人也明經學有志

操清白貞正愛士大夫然一毫未嘗取於人以節介
氣勇自行王莽末兵革竝起宗族老弱在營保閭堪
嘗力戰陷敵無所回避數被劓刃宗族賴之郡中咸
服其義勇建武中仕郡縣公正廉潔奉祿不及妻子
皆以供賓客及爲長吏所在有迹爲吏人所敬仰喜
分明去就嘗爲縣令謁府趨步遲緩門亭長譴堪
吏堪便解印綬去不之官後復仕爲左馮翊坐御
促急司隸校尉舉奏免官數月徵爲侍御史再遷
嘗令永平十一年拜光祿勳堪清廉果於從政數
言多見納用十八年以病乞身爲侍中騎

言多見納用十八年以病乞身為侍中騎

於自擢行類於澤

周

故京師號曰三釋

舊志傳周

職

新唐書列傳宇文遠以字行偃師人南齊司空孝

五世孫父徹梁秘書郎尚元帝女安昌公主江陵陷

俘入咸陽客

客今宏簡錄作家

偃師貧不能自給兄文林

書於市文遠日閱之因博通五經明左氏春秋時耆

儒沈重講太學授業常千人文遠從之質問不數日

辭去或問其故答曰先生所說悉紙上語耳若奧境

彼有所未見者尙何觀重知之召與反復研辨嗟

其能性方正舉動純重竇威楊元感李密王世充皆
 從受學隋開皇中累遷太學博士詔與漢王諒授
 會諒反除名為民大業初禮部侍郎許善心復薦文
 遠及包愷褚徽陸德明魯達為學官擢國子博士世
 稱左氏有文遠禮有褚徽詩有魯達易有陸德明
 冠一時云文遠說經編舉先儒異論分明是非乃
 新意以折衷之聽者忘勞越王侗署國子祭酒文
 出採樵為李密所得尚執故禮密使文遠南向坐
 弟子禮拜之謝曰前日以先王之道授將軍令將

兵百萬威鎮四海猶能屈體老夫此盛德也

兵百萬威鎮四海猶能屈體老夫此盛德也

將軍若欲爲伊霍繼絕扶傾吾靡不效死
如欲爲莽卓乘危迫險則僕耄矣無能爲也
曰備位上公思所以竭力先征伐及刷國耻
見天子請罪於有司惟先生教之答曰將軍
累世盡節前陷元感黨迷未遠而復若終之
下之人所望於將軍者密頓首曰恭聞命俄
專制密又問計對曰彼殘忍而意褊促必速
軍非破之不可以朝密曰嘗謂先生儒者不學軍
至籌大計乃明畧過人密敗復入東都世充給稍異
等而文遠見輒先拜或問君踞見李密而下王公何

耶答曰密君子能受鄙生之揖世充小人無容故人
義相時而動可也世充僭號復舊職于士會奔長安
世充怒絕其廩文遠餓幾死復出樵採爲羅士信所
獲送京師仍爲國子博士高祖幸國學觀釋奠文遠
發春秋題論難鋒生隨方占對帝稱善封東莞縣男
卒年七十四撰左傳釋音三卷義疏三十卷

孫 翌

會要孫季良以校書郎爲集賢院直學士宏簡
學傳孫季良偃師人一名翊尹知章門人開元
校書郎左拾遺集賢院直學士撰正聲詩集

於長安朝廷五路討西夏並爲都會事倚以辨調發
期會非旨不從使者怒求急大防爲之解元祐初司
馬光薦爲左正言新法之罷多所論列山陵使蔡確
先靈駕而行光庭劾其不敬並言章惇欺罔肆辯羣
竊挾邪冒寵太后嘉其守正令盡言毋有所避遷左
司諫與蘇軾不合奏軾發策論館職不當以媮刻二
字加於仁祖難名之盛德神效有爲之善志太后
詳覽文意是指今百官有司蓋司守令而言非所
祖宗也乃止河北饑持節行視發廩振民

兵備耗竭改左司員外郎

趙太常少卿

知亳州召還復爲給事封還劉摯罷相麻制仍
洛職守亳歲餘徙潞州鄰境饑曰爲糜以食流民常
至暮不輟自食遂感疾猶力出視事因禱雨拜不能
興卒年五十八光庭天性純孝丁內外艱廬墓哀毀
事叔父如父教諸弟以孝弟後入黨禁胡安國嘗稱
公挾與張天祺可謂奮不顧身盡忠許國者矣徽宗
立復其官子純之假承務郎

新
綸

朱子二程先生語錄注字質夫緱氏人宋史髫齡卽

就二程受學純公顯語人曰他人敏則敏矣然未易
保也斯人之志吾無疑焉以祖廕爲壽安主簿遷潞
安長子令邑俗故淳古而絢又誠心愛利丁母憂父
老數千人遮道攀留久之乃得去終去未嘗咎一人
富鄭公弼見其治行嘆曰真縣令也元祐初韓維薦
其經明行修除京兆府教授侍御史王巖叟正言朱
光庭言春秋學廢已久絢治春秋深通試爲太學博
士年四十三卒於官絢明粹溫恭旣聞道內日加進
無交戰之病故行果而粹氣和而莊跬步不忘
於敬手足盥漱安然稱在程門但有所知未嘗

終啟手足盥漱安然而在程門但有所知未嘗

人共程學之興韓及李籲端伯有力焉正公

夫沛然又曰明道平和簡易惟劉絢庶幾近之

信許如此

李籲

耿介中州道學編字端伯緱氏人資識穎悟胸次

肆開發與人交洞見胸臆其遇事如控六轡逐水

舞交衢屈折如意二程氏倡明道學世方驚疑龍

學者視效而信從籲有力焉登進士元祐中爲秘書

省校書郎嘗記二程語一編號師說朱子愛其書謂

籲所造尤深所得尤粹云先程子卒

概倬按劉絢李籲宋史俱稱爲洛陽人查朱子二程
門人語錄注載絢緱氏人籲洛陽人程正公祭李龜
文端伯與質夫同邑而居與朱子所載異耿介中州
道學編又載籲爲緱氏人舊志籲墓在縣西寺庄保
今於絢則遵朱子語錄注籲則據耿氏道學編並載
之

國朝

喬廷謨

朱志字祇承弱冠奮志聖賢之學問耿宮詹人
嵩陽往從之介語以仁孝之旨遂能體

由選拔實成均湯文正公斌深器重之以親老整頓
歸聚徒教授多所成就除商水教諭商邑學官傾地
士風澆漓廷謨務爲端嚴修葺文廟分諸生爲五會
著課士條規刊學規畧及書程研究心性之學以躬
行相勉不專事文藝士知奮勉由是商邑文教振起
相繼登賢書而王生永建尤得其真傳尋陞歸德教
授請老歸手不釋卷操行彌邵卒年八十廷謨性至
孝父病抵榻眠者數年居喪不御酒肉其學以隨處
體認天理爲宗旨而所持則惟一誠涵養深醇不露
圭角顏所居曰思謙堂所著有讀中庸錄西銘解課

士條規家規畧思誠堂存稿等書諸子欽從龍煥坤
皆成名琬暨孫履信俱登進士

張度正

朱志字萬準知府銑孫沉靜簡重從學於耿宮詹介
毅然以聖賢爲法登丁卯賢書登封令延爲嵩陽書
院山長以冉太史觀祖天理主敬圖授從學之士成
就甚夥除祿符教諭裁寄名書役陋規課士傲竇太
史克勤教泌陽法以敦倫修行爲主士子爭相淬勵
撫司皆重之某官以事罣誤浼度正於撫軍前一言
願酬百金度正堅不許有山東李梅慕度正學行

額酬百金度正堅不許有山東李梅崇度正學行

其有從遊越數載卒度正以禮葬焉致在歸

清修

李志字學沐歲貢生少孤事母至孝年十九從耿官
春介學於嵩陽書院志操刻苦介深器之時肄業者
甚衆學田少不足養贍清修以後遂不得給膏火耿
特出資佐之學成歸里教授生徒一遵嵩陽學規時
俗喪尙浮屠清修作黜浮屠論學者多景從焉尤敦
友愛析居時以肥田讓其長兄教子孫皆成立卒年
七十五所著有自驚錄質心約言

嚴恪

朱志字儼若邑廩生生而端慤性至孝八歲讀小學業師爲講問寢視膳之節恪輒能聆受體行及長從事心性之學沉潛體認四方人士多與之遊其居內外喪哀毀如禮不御酒肉不與人事三年無間因憂邑喪禮久廢著履後語示從學之士洛儻從者尤衆卒年七十三

開縣志卷十五

翰林院編修孫星衍

同纂

偃師縣知縣湯毓倬

忠節傳

唐

燕欽融

舊唐書忠義傳偃師人景隆末爲許州司戶參軍時
常庶人干預國政盛封拜羣從子弟又與悖逆庶人
及駙馬都尉武延秀中書令宗楚客等將危社稷欽
融連章上奏其事庶人大怒勸中宗召欽融廷見撲

傳民鼎一
卷十三
殺之宗楚客令義法加卹欽融因而致死睿宗卽位
下制曰許州司戶參軍燕欽融先陳忠讜頗列章奏
雖干非其位而進不顧身永言奄亡誠所傷悼方開
言路宜慰寵宥可贈諫議大夫仍備禮改葬特授一
子官

畢
炆

新唐書卑構傳構子炆天寶末爲廣平太守拒安祿
山城陷覆其家贈戶部尚書唐書宰相世系表炆上
部員外郎吳郡太守江南採訪使

明

舊志生員正德壬申流寇攻掠偃師惟一携家避難城東山谷間爲賊所得逼之降挺節不屈闔家焚死

朱平

舊志字對山天啟時人有勇力能擒巨賊賊恨入骨後遭賊害上官表其忠祭文勒碑現存

段增祉

舊志幼負勇畧明末羣寇起隨父兄避亂邵家寨增祉年甫冠倡義守寨賊焚其祖居廬舍復設伏繕增祉致寨下逼其降衆增祉大呼衆曰我死寨尙可保

勿畏賊落膽也賊毒加鞭拷濺血滿地仍不屈復誘之曰爾父在城上痛哭命爾降恐違父命乎增社曰父豈教我不義者罵益厲賊怒殺之屍立半日不仆是夕風霾暄天賊駭遁去寨賴以完人感德之增社被難時藁葬未得其首後族人醴錢葬之鎬金爲首焉妻黃氏聞增社殉難亦投井死別有傳

蔡東菴

舊志孫家灣人與四子二孫俱有勇力崇禎十七年闖寇掠偃師執東莊逼令降挺節不屈合家二十餘

口俱罵賊死賊去將某收其尸藁葬土窟中康熙初

張人文澍兄弟置棺二十餘口殮葬之在今孟家
妻好義

舊志明末土賊李際遇蹂躪伊洛間里人築寨相保
好義與子生蕃同心固守生蕃語父曰兒爲諸生無
降賊理倘寨破惟辦一死好義曰生員不降賊百姓
願以降賊乎父子戮力捍禦時同里有與賊通者說
之降終不屈辱詈之去賊遂悉力來攻父子俱被執
賊猶欲降好義乃先殺生蕃以嚇之好義曰一子何
惜屠盡家口不顧也至死罵不絕口

王孔山

舊志字嵩川體幹雄偉以英勇聞先是土寇謀陷城
墩孔山多金欲其爲內應孔山怒拒不從後崇禎壬
午賊大至城陷家室盡屠倉卒避亂磨盤寨寨又陷
被執賊譚詒勸降孔山仍罵不絕口父子九人同日
遇害僅遺一子家賓寇去後尋父屍葬之卒年五十
三家賓別傳

武同芳

明史忠義傳賊攻偃師殺同芳母同芳噴血大罵賊
怒支解而死

張厥子張一爲張一鳴

明史忠義傳賊攻偃師餽粹率二子一鷺一鵬俱死
司固守城城陷大罵三人同日遇害

舊志餽粹與子一鷺一鵬俱邑廩生妻簡氏及三女
二孫咸投井死

喬于崑

明史忠義傳城陷死節

舊志于崑諸生被執不屈投洛河死

簡完齋

明史忠義傳城陷與妻張氏俱被執大罵不屈賊並
磔之

舊志完積諸生妻張氏別有傳

劉芳名

明史忠義傳賊至抗節死妻張氏罵賊死

舊志芳名諸生被賊執猶手擊賊爲賊支解極慘妻張氏別有傳

裴君合

明史忠義傳君合幼孤母苦節孝養惟謹賊至聚衆保沙岸寨攻圍十晝夜不克說之降大罵不從寨破被磔

牛一元

明史忠義傳賊陷城抗節死

舊志一元與子應龍俱諸生同被執一元大罵賊
之應龍裂其縛奪賊刀刺死刃父者賊遁去

王邦紀

明史忠義傳賊至與妻高氏罵賊死之

輒倬按郡志又有劉邦紀童銍曰劉邦紀與王邦紀
應似一人然明史已載故並存之

劉芳世

明史忠義傳城陷死節

舊志芳世受知縣徐日泰部署守城賊攻城危甚方

世突重圍與賊戰失利沒於陣城遂陷時被執不屈而死

喬國屏諸生王光顯蘭相裔蘭芝粹

明史忠義傳賊攻偃師俱抗節死

張爾縉

舊志庠生城破肅衣冠拜家廟自縊

蘭挺粹

舊府志邑諸生賊至倡守安樂寨火藥盡寨破被執不少屈賊磔之

王玉振 化澤

舊志賊陷城玉振從容衣冠被磔死化澤爲賊窟
死

劉似山 蘭挺幹 劉芳聲 蘭相明 劉日琪 王

子薦

舊志皆諸生遇寇抗節不屈死

蘭相聲 齊璣 關憲 劉柱 王大典 張汝盈

蘭完富 蘭挺生 王天鳳 王振宇

舊志十人皆義民遇賊不屈死

鄭筠亭 鄭芸亭

府志明末流賊攻偃師筠亭兄弟同心守城城陷賊

執筠亭筠亭大罵賊謂其舌罵不絕支解之芸亭見
兄赴難入賊營尋兄屍不獲亦厲聲罵賊手刃之身
被十數創死

蔡永芳

府志偃師貢生明季流寇至從令守城城陷死之

偃師縣志卷十六

翰林院編修孫星衍

同纂

偃師縣知縣湯毓倬

政績傳

孟

孟

隸釋孟郁修堯廟碑字敬達偃師人治尚書經博覽
衆文天姿瑋瘦體性溫仁闢極道之要妙游觀六藝
之原掇旋機之政務在濟民歷典六郡威教若神遺
訓垂歌廣祈多福雯夙興聞帝堯陵在成陽遣戶

曹掾史具中牢祠常以甲子曰與西宮樂生俱詣大
聖陳上古之禮舞先王之樂鞀磬祝啟五音之儀莫
不盡脩行禮未周景雲四集翔風膏雨卽時大降節
知聖堯精靈與天通神乃修治宮殿上下相承無所
遺失

新增

唐

單堦 畢增

新唐書畢構傳構子炕拒安祿山死覆其家堦舉明
經爲臨汝尉徐州節度使張建封高炕節閭堦篤行
表署幕府攝節令調王屋尉以謹廉聞喜賓客

書以有無計及歿無貲治喪云弟增爲河北從事

以有無計及歿無貲治喪云弟增爲河北從事

遷御史中丞

徐倫

新唐書徐有功傳偃師人初寶孝謹妻龐爲其奴怖以妖祟教爲夜解因告以厭詛薛季昶鞠之龐當死子希誠訟冤有功明其枉有功卒希誠請以已官讓有功子倫以報舊德由是自大理司直遷棊陵令

宋

趙及

宋史本傳父的爲偃師令遂家焉及舉進士和厚廉

退尤篤內行歷知數州吏民愛之累遷右諫議大夫
未景

宏簡錄字伯晦偃師人第進士調滎澤簿知汧源縣
發廩賑給多所全活歷汝壽二州築外郭以環居民
公私稱便終光祿卿年七十一卒

元

援思溥

舊志偃師人舉進士至正間爲聞喜令六事俱備政
治有聲部使舉爲守令最朝廷賜官帛以榮褒之

高

舊志字德修世爲假師人元季爲山西平陽路總管
因世亂辭官隱居城南白雲山號白雲先生明洪武
初徵授浙江曠縣尹資之官獨挈妻杜氏俱行每退
食自持杵曰清聲遠播擢授紹興知府仁明慈愛爲
民辯冤甚衆卒於官民輟歌巷哭立祠祀之

詹士華

通志假師人性純篤節操堅確洪武初以賢士舉授
湖廣右布政使

王敬先

通志偃師人性孝友博通經史工文辭洪武中以賢良舉授山西布政司左參政

王讓

山東流寓志偃師人由洪武間鄉薦歷官參政多宦績游穀亭鎮遂家焉子行舉茂才官褒城令

簡英

舊志字時俊貢士授直隸河間推官操守廉潔平反得情有政聲郡城井水素苦不堪食民病之英指地命鑿泉果得甘泉民呼爲簡公井補任山東濟南

官

入塘

舊志字器之弘治壬子舉人任潞城令清廉愛民其著恩惠九年秩滿民詣闕復請留一年遷松江通判專司糧務先是荆松江者率投諸邑糧長陋規賦稅積逋不納塘至悉却之由是徵輸無欠自奉尤儉郡守每與同僚語曰吾輩自奉當以史君爲法署篆上海以惠得民建生祠祀之後老歸里却謝一切非公事未嘗入公庭年九十餘卒

簡新

舊志字士勉正德年貢生性孝友閉戶闇修甘儉約

傳自縣志 卷之六 四
歷官陝西蓋屋主簿以才能稱攝縣篆尤多表見人
頌廉明居鄉尤多樹德

高惟孝

舊志字一人弘治戊子舉人樂易簡重溫雅謙和初
與姪輩析家業其厚腴者悉推讓不自取以易經名
世除湖廣蘄州知州節費省刑民翕然帖服遷南直
鳳陽同知有使者按郡轆轤誅求惟孝曰吾生平清
白豈剝民以媚人耶卽促裝謀歸適遷南京戶部雲
南司員外郎尋轉郎中歷廣西應道知府時蠻寇告
警惟孝宣布朝廷威德安撫招撫寇賊率服歲大旱

三禱雨俱應人戴之如神明解綬歸有司檄徵再三

三禱而俱應人戴之如神明解綬歸有司機徵再三
卒不起鄉居惟常服羸騎約同志四人爲五老會晚
節手不釋卷尤邃於易年六十九卒

齊君問

蒲州名宦志偃師舉人知猗氏縣雅意右文以德讓
風勵爲務公餘輒出郊徧履原隰規度地頃差品高
卑以爲徵課緩急豪猾無所容奸邑以大治被誣而
去民稱屈立祠祀之

武大寧

舊志字健庵隆慶丁卯舉人累官陝西臨洮府通判

臨洮古隴西郡烽警時聞大寧奉上命賚金帛以恩
威曉譬綏安邊陲勞勩著績錚錚有聲家居孝友嫻
睦篤愛閭黨里人頌之

更可述

舊志號泗濱萬歷丙子舉人授陝西通渭知縣累遷
南直隸鳳陽同知爲政敦尙教化不任刑卦所在有
治績性孝友撫姪如子比析田宅產業召子姪及婿
均分之尤篤睦族里人稱長者

張蒲

舊志號鳳旄萬歷癸酉科舉人授臨潼知縣和平詳

慎以慈惠，普值歲大旱，殫力賑卹，多所全活。時有一分銀卽入饑民手，一粒粟卽入饑民口之謠，詳載臨潼志。名宦傳擢御史，巡歷屯田草田帖銀二萬有奇。歷陞陝西布政使、司右參政，恢拓崧山疆土三百餘里，爲前代三大功第一。上褒之，錫金賜廕，晉秩一級，食祿二品。

胸完植

舊志字無翳，萬歷丁未進士。除山西屯留知縣，尋補陝西韓城縣。縣爲同寇出沒地，數罹侵凌。完植下車修武備，選壯勇擒獲甚衆。由是寇悞不敢犯，草檣頭

清贖緩惠政大著尤持法不阿不受請託調武清令
武清例有聖母香火銀若干時中貴邢洪又加增投
馬名色銀民弗堪完榷至悉爲裁減中貴徵索暴橫
完榷杖之以狀聞羣瑞懼亦以拒朝命擅杖天使爲
辭朝廷置不聞權貴合謀排陷調大城令自陳乞置
閒局改河間府教授尋遷順德府推官甫之任道過
內邱而庫藏失盜視篆者泣訴之完榷慰之自勿驚
銀俱在也乃召司吏詰之曰庫藏司吏責也茲被盜
與守者何事吏作爲病狀完榷亦慰之令寧家使人
伺之吏至家則揚揚自喜以爲得計立召吏不煩刑

具吏已伏辜出其銀封緘如故詎鹿有茂才繫并

何之吏至家則揚揚自喜以爲得計廷召吏不煩刑
具吏已伏辜出其銀封緘如故鉅鹿有茂才素忤縣
令令以人命株連繫大獄完植察其寃立豁之遷南
京都察院經歷南京勲臣素暴橫不法臺省莫能制
會朝失儀完植糾之將抗章疏其不敬狀哀請乃得
免由是以暴頓戢有寧逢都御史莫逢經歷司之語
旋晉戶部員外轉郎中時國家多故帑藏匱竭完植
歲節省寶纛龍旗燈帘等項銀十四萬餘兩以資國
用陞湖廣衡州知府禁加派蘓驛困節制礦徒法戢
羗人肅然稱神明尋以病乞休歸居林下十餘年葛
巾野服片楮不入公庭郡縣守令非公事不相見里

邑有爲民蠹者則力除之卽遭流議弗恤也其與民爭利之事誠其子弟絕口不許道時號爲廉介君子年六十四卒卒之日里巷罷舂泣涕爲礮石紀德焉

王世業

舊志號玉峯嘉靖己卯舉人孝友誠篤歷寶鷄太原知縣以循良著聲

張其平

府志節王鐸撰墓志字心矩偃師人萬歷丙辰進士爲行人擢銓部選法疏稽滯至考功主外計黜者同廢言爲同卿攻駒善數胥不姦卻贖餞尋巡撫保定

邢州西土寇數萬爲暴倡義提士伍往一鼓殲之
副都御史中樞檄鎮良涿移朔州方抵霸又檄守阜
城門上念其平勤王先至賜幣鏹未幾真定被圍諸
將不敢前其平拚死救之圍乃解入城城中援兵十
萬不動徒索芻粟內擾其平請總督中貴躡勦皆菜
色囁嚅亦不動其平分將援邢洛內邱滑潯多所保
卒以掣肘不如意爲封疆獲罪

採訪事實居官公忠自矢嘗荐孫夏峯爲國子祭酒
每樂興利除害所建邑東有大石橋鳳翔菴

王家社

舊志號熙寰萬歷間拔貢有器量工文藻任山西鄉
寧知縣有循良之譽累官江西饒州府通判

國朝

張爾統

舊志字伯承叅政蒲孫萬歷戊午舉人工詩賦除鹿
邑教授談經課藝清勤稱職鹿城被寇分守北門有
保障功 國朝授中牟教諭陞國子監助教病歸尋
卒子祀別傳

毓倬按張爾統同溫九皋王德顯關捷達崇正九年
佐邑令夏士譽夢習義勇保城見王鐸碑記後

張銚

舊志號九龍崇禎己卯舉人 國初豫親王辟入幕
多奇策以軍功授江南松江府知府招撫流亡有政
聲

張岳

舊志字崧侯任俠好施以緩急告者無親踈悉傾囊
贈之父朋歿於明末值寇亂不克成葬岳掘坎掩尸
負土成墳後避亂轉徙至閩以武勇舉材官仕至福
建總兵 國朝以原銜統屬暫移鎮湖廣岳以偃爲
桑梓地亟請調豫奉

旨俞允復隸懷籍

王德顯

舊志字秉懿順治丙戌進士少失怙事母至孝賦性醇篤好讀書諸子百家靡不殫究人稱爲書筭授山西平陸知縣甫下車卽除供給草行戶務爲簡易政刑清平仁聲懋著歸休後詩酒自娛結社會文士論歸之

張杞

舊志字樸公爾統子順治戊戌進士授四川夔州司李改補湖北鄖縣知縣兵燹之餘拊編瘡痍修城

課農桑興學校民漸復業甲寅間弁揚以來嘉以房縣
叛時洪福鎮郎亦閩弁也采機竊發適郎城駐防提
鎮邵事候代官兵失統民氣沮喪杞急走馬號城中
曰死生命也忠孝性也此正吾輩致命之日請百姓
勿避難棄義委心於賊民情始安尋王師數萬屯鄖
芻芟糗糧供給芴午無不立辦邑事亦不廢弛兵民
咸輯報凱以軍功陞貴州永寧教亦有政聲子燧別
傳

董邑起

舊志字邱韓順治辛卯舉人博學修行初署鄧陵教

論以興才有士爲已任陞直隸沙河知縣在任數年
獎絕風清政事修舉有循聲孫晟字良器溫雅方正
登康熙庚午賢書授鄧州學正

李希昉

舊志字衡公祖向芝宣平知縣希昉中康熙丙子舉
人沉靜謹密雅量過人除上饒知縣革陋弊設義塾
甚有德惠

喬履信

舊志字實夫幼穎悟祖魯菴授以經書言下輒了了
以祖秉鐸商水遂占籍弱冠連捷成進士分發陝西

會修通志承委分編同館名宿咸推之初嘗
調富平復調咸寧先後攝篆白水高陵所至有成績
在郡禱雨太白立降在富平六年咸寧四年嚴操守
慎聽決興草尤夥捐俸建南湖書院置田百餘畝以
造士著鄉甲條約設鄉練約正以教民詳豁孫姜里
衝決田懸額若干兩草大里長承辦科歛若干金修
邑乘隆鄉飲賑雹災富民咸戴之咸寧爲陝省首邑
當孔道大僚還往供給劄用行戶履信白土憲修三
省店爲居停所併置物料存貯供應又以咸倉出借
舊皆舖戶領納里民貼賠設法辦理奸弊一清民獲

實惠三班工食里下私帮歲不下二千餘金悉從革
除其他善政滋多咸民咸感之尤厚於解推於鄆解
囊送前令羅某之柩於富營高丞之喪兼資其帑扶
櫬歸於咸賄前令倉驛虧項千餘金公餘輒攤書雜
誦不自休作爲詩文皆卓然成一家言屢膺薦章以
候補主政管縣事以薦候改御史丁憂起復補禮部
主事候補御史卒於官年僅三十八人咸惜之所著
有鄉甲條約一册陝西通志三卷富平志八卷寧
望詩草一卷子德淵己卯舉人

府志字夢卜癸卯進士任汾西令培文風黷煉稅關
鑿石渠得水田百餘頃撫臣以薦調臨晉逾年丁母
憂服闋補東流令行取主事累官掌印郎中所在稱
職以老致仕歸主兩程書院從遊者翕然化之

李向芝

採訪事實字表芳順治己亥進士博涉經史工於詩
歌揮灑成一家言初授湖廣德安府推官改補浙江
宣平縣知縣邑新內附向芝至招撫流亡開墾荒田
又爲設立社學一時人文丕振詳載宣平名宦傳旋
調遂昌時沿海餘孽數入寇爲邊患警聞不絕向芝

宣諭威德賊僞官多納邱劄並輸軍器事聞於
朝擢軍功加一級該部議叙向芝以年老予告旋里後
設教吳越多所成就纂修邑志著有易說四卷蔓陰
堂文集二卷卒年八十四孫希昉丙子舉人上饒知
縣

喬琬

採訪事實字西重辛酉拔貢舉人壬戌進士除廣東
樂昌令風采嚴峻愛民如子邑多鉤吻草輕生者服
之立斃琬捐俸芟除丙子滄江暴漲壞廬舍無數
親查勘按房散給銀民德之他如却鹽佔浮報被水

尺寸之請託裁船行陋規二百兩積弊一清以見法
官署傷感成疾乞休猶錮廉二百餘金付邑紳士爲
書院膏火資竟卒在所民思之不置子履馮丁酉舉
八

宋章甫

採訪事實字敬夫甲子舉人任福建永福縣知縣政
簡刑清口碑載道以疾卒於官未竟其用

張永清

採訪事實乾隆丁卯舉人任虞城教諭見費官樂器
殘缺捐俸重造並置蓮豆尊爵三百餘事虞城地處

編隅立社學延師以教子弟立大社以課諸生文教
大行卒於學署門生百餘人執紼遠送百里

假師縣志卷十七

翰林院編修孫星衍

同纂

假師縣知縣湯毓倬

文苑傳

蜀

補正

蜀志列傳字令先河南假師人也祖父儉靈帝末爲益州刺史爲盜所殺會天下大亂故正父楫因留蜀爲大將軍孟達營都督隨達降魏爲中書令史正本名纂少以父死母嫁單噉隻立而安貧好學博覽墳

籍弱冠能屬文入爲秘書吏轉爲令史遷郎至令性
潛於榮利而尤耽意文章自司馬王楊班傅張蔡之
儔遺文篇賦及當時美書善論益部有者則鑽鑿推
求畧皆寓目自在內職與宦人黃皓此屋周旋經三
十年皓從微至貴操美威權正既不爲所愛亦不爲
皓所憎是以官不過六百石而免於憂患依則先儒
假文見意號曰釋譏見藝文類聚景耀六年後主從譙周之
計遣使請降於鄧艾其書正所作也明年正月鍾會
作亂成都後主東遷洛陽時掇攘倉卒蜀之大臣無
翼從者惟正及殿中督陳南張通捨妻子單身隨從

翼從者惟正及殿中督學前張通捨妻子單身隨信
主賴正相導宜適舉動無闕乃慨然嘆息恨知
之晚時論嘉之賜爵關內侯泰始中除安陽令遷巴
西太守泰始八年詔曰正昔在成都顛沛守義不違
忠節及見受用盡心幹事有治理之績其以正爲巴
西太守咸寧四年卒凡所著述詩論賦之屬垂百篇

宋

崔頌

宏簡錄本傳字敦美偃師人父協後唐門下侍郎平
章事頌幼喪母爲外祖母所鞠以廕補河南巡官歷
開封簿鄧州錄事參軍上書言事彙翰奇之擢左

拾遺漢初加朝散階世宗與溫淵以爲觀察判官賜
金紫宋初判國子監會重修國學建隆三年夏始會
生徒講說太祖遣中使賜以酒果每臨幸召講論語
及經義應答無滯郊祀攝太僕升車執綬上問以一
時典禮占對閑雅上甚重之乾德六年卒年五十爲
人好詼諧善筆劄受命書世宗諡冊文時稱遒麗篤
信釋氏子曉至太子右贊善大夫

李淑

通志舊志俱載爲李儼查宋史及
宏簡錄若谷子爲李淑非李儼也

宋史字獻臣若谷子年十二眞宗幸亳獻文奇之

詩賜嘉身出身試秘書郎嘉準薦授館閣校勘

與初遷大理評事爲真宗實錄檢討修成改光祿丞集賢校理國史編修召試賜及第累遷禮部員外郎上特政十議改侍讀端明二學士以諫議大夫知許州歲饑取民所食五種上之帝惻然蠲其賦權知開封轉中書舍人改給事中知鄭州移河陽遷禮部侍郎除龍圖閣學士出知應天請歸侍養父憂終喪罷奉朝請母憂服除仍兼龍圖閣知河中府卒贈尚書右丞生平警慧過人博習諸書詳練典故凡所治革帝多諮訪制作詔命爲時所稱修國朝會要三朝訓鑑圖閣門儀制康定行軍賞罰格及繫訓三篇別

集百餘卷

輒倖按宏簡錄載淑子壽朋與次子復圭慶歷初年
同試學士院賜進士出身壽朋字延老爲人性敏擊
斷過人由判吏部南曹知汝州歷開封推官戶部判
官知鳳翔府司馬光出使薦其能加直史館入直史
舍入院同修起居注進戶部鹽鐵副使復圭字審言
臨事敏決稱健吏由通判澶州爲度支判官復知涇
州民立生祠以祀歷湖北浙江等六轉運使進龍圖
閣知慶州又知光化軍滄州還爲鹽鐵副使於集賢
殿修撰知荆南因舊本顯帥進士內未列其名無異

殿修撰知荆南四節未詳其師進士內未列其名無
錄又未審其仍隸籍偃師否或不錄入政績附
錄傳後淹博羣書者攷証得實補載可也

秦山甫

康海武功志偃師人熙寧間除武功主簿與程伯淳
朱光庭皆以才名關中號爲三傑又與張橫渠友善
故武功因有子厚隸野亭

元

程莖

通志字彥魯偃師人博通經史仕大中大夫河南路
總管轉集賢院直學士

明

薛蕙

明進士題名碑錄偃師人明史本傳字君采年十二能詩舉正德九年進士授刑部主事諫武宗南巡受杖奪俸旋引疾歸起故官改吏部歷考功郎申嘉靖二年廷臣數爭大禮與張璉桂萼相持不下蕙撰爲人後解爲人後辨及璉萼所論七事上諸朝解有上下二篇推明大義天子大怒下鎮撫司考覈已貫出之奪俸三月蕙遂南歸既而事自吏部數移文促蕙起蕙見璉萼等用事堅卧不肯起二十八年詔選宮僚

起蕙見聰夢等川事舉卧不八年詔選宮僚

春坊司直兼翰林檢討帝猶以前憾故報罷而
卒矣蕙貌癯氣清持已峻潔於書無所不讀學者重
其學行稱爲西原先生朱葵尊詩話先生古詩自河
梁以迄六朝近體自神龍以及五季靡不句追字琢
心摹手追歛北地之菁英具信陽之雅藻兼建功之
精詣卓然名家

毓倬按府志云先生世居偃師其前代祖塋俱在轅
轅府南之薛家村後徙居亳州入籍直隸武平衛故
史傳皆以爲亳州人今據碑銘及梁園風雅仍載入
偃師舊志載蕙人物而無徵信故爲朱志所刪今照

府志補入

張光謨

舊志蒲之子也庠生穎敏過人不隨父宦遊喜從師
鑿受之書能旁註臆解精舉子業阨於遇尤工五七
言古詩更善攷証諸書畫名跡古碑彞敦之屬晚年
焚香啜茶日課吟咏不及外事人服其高雅

李肇修

朱志字人紀少失怙七歲知書見輒成誦每晨在母
前背孝經一遍母有拂鬱則嬉臧以求愉悅十七入
庠尤敦躬行不事聲華晚年築室南澗教授生徒

庠尤敦躬行不事聲華晚年築室南澗教授生徒

就甚夥所著有南溪講義緱山草堂詩集

三

字景玉歲進士幼聰慧十二歲能文章學使臺賞識
之謂宜老其材以俟大成弱冠後入庠冠軍者四每
上憲觀風月課輒首列歷任縣令皆留意培植矜性
孤介閉戶吟咏博極羣書友教四方晚年家居主後
進文會誨人不倦成就甚多卒年七十三

國朝

姬之纂

府志字象方髫年失怙恃事繼母以孝聞及長肆力

學問稱博洽登順治己亥進士時藝古文俱成一家
授霍邱知縣治行大著有芙蓉山報政紀畧並纂國
實政錄四卷陞戶部主事謝病歸卒年七十九所著
有買山園集

隱獻徵

朱志字熙宇邑庠生性耿介恬淡自若於戴經窮其
閩奧贈行人司行人

朱永禴

朱志字伯棟洧川籍偃師人順治丁酉舉人工書翰
所爲古文詞高邁遠俗尤長於詩沈雄古健間類少

授上蔡教諭講論訓課克稱其職者有擬丹雘人

所爲古文詞高邁遠俗尤長於詩沈雄古健間類

授上蔡教諭講論訓課克稱其職著有擬丹輝金
四書詩經制藝坦莽詩草公餘翰墨散著等書子岱
字山長康熙壬午舉人制藝詩歌自成一家終杞縣
教諭

喬一房

朱志字玉壺少聰慧嗜學淹貫百家爲諸生試輒冠
其曹數奇不第以明經仕諸城訓導陞原武教諭所
至以興學育士爲任尤工文藝所著古文詩歌駢體
皆成家遭亂多佚散今存有拾餘集

張熾

朱志字曉生知州祀子歲貢生端憲老成平易近人
博學稽古尤工詩文授儀封訓導與士子歌咏相倡
和諸生被其教者如坐春風解組後年近八旬親友
有求詩文者猶耐應無倦容稱爲邑中文獻

呂鼎祥

府志字元臣偃師人進士知山東陽信縣子諒易直
民戴之罷官歸主嵩陽書院後學多所成就所著有
左絡取左傳之脉絡相通者聯絡之也又有怨菴詩
文集

石爐

石壚

府志字陶師假師人生有異相鐵面癩肌雙睛外突
閃閃若電讀書畧觀大意不屑屑於帖括其爲文語
羞雷同丙辰丁巳始聯捷成進士大梁山長魯秋陸
先生甚竒之未幾病亡有才未竟其用士論惜之

趙三才

府志字兩六假師人以五經魁於鄉方其少也試輒
冠軍復肆力於問學通籍後本其心得者言之著十
三經要義易史未成而卒

裴希純

節孫枝榮家傳字敬齋邑恩貢生學究本原著述

尤夥詩文縱橫恢譎姚佚野諺無不收羅誠人心目
屢試不第買山名月灣築室教授其中分試郡志山
川物產攷摭精當所著有易蔑周易溪提二禮會元
論語新目寄亭詩文集名山集海鶴集青囊淵源著
千卷卒年七十五

史廷輝

採訪事實已酉拔貢弱冠知名任葉縣教諭勤攻課
重實學士風大振歸教徒河洛間年近八旬日與講
貫性理經史著有四書講義理學名篇潛心集文編

戴榮

採訪事實字召南楷之弟歲貢生平生習心經史

採訪事實字召南楷之弟歲貢生平潛心經學尤
邃於禮生卧一小齋寒暑丹鉛不輟蒼翠羣說撰禮
記擇言十卷著有空谷文稿詩草以明經終士論惜
之兄檢太學生督理家務以供弟膏油之費焉

郭楠卿

採訪事實已酉舉人耿介不阿學問淹博士林推重
著有偃師西境攻依据精當弟梧卿甲午舉人與兄
楠卿窮經績學丙戌會試

欽賜內閣中書

張爾繪

傳聞集卷一
九
採訪事實字素養蒲之孫年十二以默誦十三經入
庠以母病不進取肆力經書任衛輝教授歲饑出家
資三百金助賑上憲器重之予告歸仍友教四方著
有禮菴詩文集四書口義五經詳解諸書

張來貢

採訪事實字燕侯績學尚義三十而鰥遂不娶授延
津訓導廼主兩程書院一時成就者甚衆

張威

採訪事實字伯重博極羣書尤工詩畫任陽武訓導
筆墨之暇與諸生詩酒唱酬著有禮宗一冊存學宮

採訪事實字合符喜博覽追摹古帖有城隍廟張姓
施地碑草書激十七帖極佳

王仁淵

採訪事實字涵九弱冠名噪貴官試輒推其曹工小
楷與邑令郭振共講晉法書帖盈架惜屢薦不售以
明經終

趙夢鶴

採訪事實字鳳臣弱冠有聲庠序通經籍能詩賦不
樂仕進教訓杏園莊子弟著錄數百人著有百愚堂

文集晚年著十三種摘要未成而卒

翰林院編修孫星衍

同纂

臨邑縣知縣湯毓倬

孝義傳

唐

畢構

新唐書畢構傳弟翊以太府主簿留司東都聞疾

按

構馳歸哀毀如大喪雖費服未嘗笑天下稱其友悌

終荊州司馬唐書宰相世系表構豐王府長史

畢宏

韓愈畢塏墓志銘塏家破時始四歲與其弟增以俱
幼漏名籍得不誅卒俘賊中察人宏以家財贖出之
養於家教讀書明經第

元

陳用忠

舊志字公達儀表整肅性行溫雅鄉里有善士之目
性至孝甫冠失恃事繼母無間言待弟允忠備極友
愛至順間廕父官補太常禮儀院太祝轉承務郎
廣行中書省承發架閣管勾以清白自持致滿還
朝大夫秘書監丞

訓大夫秘書監丞

張恭

元史孝義傳假師人以兵部符署鷹房府案牘親老
辭歸侍義父喪過哀奉母馮氏尤謹歲凶夫婦採野
蔬爲食而營奉甘旨無乏母疾恭手除溷穢喂哺飲
食且嘗糞以驗疾勢天歷初西兵至河南居民悉竄
恭視母病項中一劍不忍去母驚悸而歿恭居喪盡
禮人稱孝焉詔旌其門

明

蘭邑

通志字叔禾假師諸生性純孝母疾親嘗湯藥夜不

解帶者五旬及卒哀毀骨立遇歉歲出粟賑濟貧乏
存活甚衆野遇露骸施棺瘞之閭里稱孝義

武崇雅

通志偃師人性至孝遭寇亂奉母避兵某寨母失足
墜溝崇雅與妻棄幼兒投溝急救竟死母妻幸無恙
妻劉封崇雅屍乃負姑去平定後劉奉姑教子尤稱
孝謹年九十餘卒

王朝海

舊志字東之邑庠生母早喪事繼母張氏極敬慎及
卒時兵凶弗克葬藁厝隙園廬廨三年祖佐孝義合

卒時兵凶弗克葬其厝隙園廬側三年祖佐孝義合
時病失明每舍踊之行輒背負祖母智氏婦
服湯藥衣不解帶者彌月性樂施宏治間鄉人貸若
翁錢緡弗克償海勸翁悉焚券鄉悍夫曲會與齊蘭
兄鹹暮蘭死縣將以會抵罪海聞詣縣白其故得全
生且代會爲葬資不令償後會改行有郭生者以問
親經澠池縣患盜冬寒海卽以所衣狐裘衣之正德
壬申逆賊攻城乏糧海毅然出所藏糗士復蓄敢死
者捍禦城賴以免有司表其門

馬棟

舊志字伯龍邑庠生天性淳篤事母王氏以孝聞及

卒哀毀過禮雖隆冬衣不加絮履不著襪哀慕蹙蹙
感烏鴉白兔之祥有司哀之樹碑於墓旌其門

馮啟昌

舊府志字茂賢假師座生純朴好學父疾醫藥弗瘳
割骨食之尋愈鄉里稱孝

張光宙

舊府志字任久參政蒲子蒲補滇南病瘴篤光宙隨
侍時年幾五旬衣不解帶進藥嘗糞竭盡心力蒲卒
於桂陽萬里扶柩號泣哀毀終身不茹葷有司旌其

節

溫 郝隆 魏柔

舊府志偃師人正統六年歲饑三人各捐粟一千一百石英宗降勅畧曰國家施仁養民爲首爾等能出穀若干石用助賑濟有司以聞朕嘉賴之特賜勅獎譽勞以羊酒旌爲義民仍免本戶雜泛差役

張清

舊府志偃師人嘉靖二十九年歲饑出銀五百兩賑濟有司旌之

丁應鍾

舊府志偃師人與兄林鍾共修墓嶺下石橋里人立

傳自縣志 卷一八 四
碑道左

臧文光

舊府志偃師庠生家貧有守拾遺金三次各還原主
酬之不受里人嘉其義

喬確

府志偃師人性勤儉樂善好施值萬歷間歲荒斗米
千錢確捐粟賑濟全活甚衆後復饑確復捐賑有司
屢旌其門

張時中

府志字道田博覽羣書足跡遍獲城市教子其平

名顯生平濟困扶危廣行善事詔贈大中大夫

劉鳳

府志字來儀監生性耿介治家有法妻卒終身不娶
詔建坊旌之門人私謚曰介肅

李通

府志石刻偃帥人正統六年歲饑出穀一千二百餘
石助賑邑人立碑以旌之

韓佐

補朱志事實佐太學生成化二十年邑饑捐粟五百
石以濟貧民有司屢旌其門

商楠然

舊府志字恬如偃師廩生嗜學尙義邑東有鄴溪可灌田楠鑿石門渠延卽麓數里許不藉一力而功成自是田無旱災郡守旌其門紀其事立碑孫家灣道側

毓倬按楠然與監生蔡永芳生員臧竟成崇正九年佐邑命夏士譽募習義勇守城見王鐸碑記後

張煜

舊府志字葵旭偃師庠生其平子好學篤行事父母以和愉率諸弟以謙謹流賊渡河望慮城難守乃出

實修城浚壕制火器搗士卒數年之間賊不犯境
之力也邑人感之爲勒石紀功今碑猶有

甌倬按邑西郭外堤下通衢之南舊傳有卧碑命工
搗之始知爲明邑令夏士譽募習義勇保城禦寇碑
記王鐸撰并書文辭壯富書法遒勁載崇正九年流
賊煽揚士譽募壯勇爲守備計得趨勇五千人朝夕
訓練擇張以奉王永禮張以德等二十三人各給職
銜以統之軍威遠震賊偵駭遁記見後藝文志中碑
後小字非鐸所書僅列劉景蛟景習趙光祥以下三
百二十六人名當是里人鐫其功最表著者字久且

憑漫聞十五年流賊陷城士民從邑令徐日泰殉難者甚衆九年義勇亦有在其中者姓名無可紀頃採訪者呈周景耀一人

碑內作景要

死北門內惜無實據未

便登忠節傳內偃師民忠勇剛果能赴國難出於天性雖滄桑久易緝閱前事每爲墮淚碑前輪蹄如織百餘年三次修志俱未採及湮沒可歎茲急錄其事

附修城義士張煇傳後諸豪傑名以志體謹嚴未嘗全載而英風毅焰猶騰踔燭光畢瀋間使賢宰援旌佇鼓誓衆揚威之概亦凜凜有生氣昔於越君子六千人無一名傳於世諸豪傑付於蘭螭殘盜千載下

使人尋繹嗟咨亦未可爲不幸也

國朝

張一星

舊府志偃師人母疾醫治不愈聞靈山神賜藥膝行乞之回至義井或言削骨可愈星如其言病果瘳道府皆旌其門

史洞

舊府志字亦元偃師庠生有隱德因母疾習醫以孝聞著有脉訣傷寒論纂增補壽世保元行世

朱紱

節朱志明末流賊殘破都邑綬與諸生袁鴻儒石仁龍里民袁贊朱蕃山大緒石蘊珠等與本村修築壘寇先是縣城爲賊屠邑令士民皆避亂於此崇正十五年流寇擁衆圍寨環攻累月綬與趙還石蘊璞石出佩馬希吉裕學六人晝夜固守時出奇謀搃賊營賊戰不利解圍去寇退後遺骸遍野綬等領鄉人掘坑瘞之縣令詳請各給冠帶兵燹後假卹圖籍獨完皆綬等力也

喬正第

朱志喬廷謨傳父正第邑庠生八歲遭明季寇亂隨

母薛氏避寇投溝溝深十餘丈迄無傷視母已死負土石封識乃逃去及長事父繼母以孝聞

董蘭

府志明末遭亂蘭弟明仁妻魏氏爲鞏縣兵朱八所掠蘭與父國器控縣府斷歸完娶朱八隨竄京軍籍誣告國器奪軍人妻因緹繫國器夫婦及蘭明仁魏氏至京下獄論戍蘭誓以死自父冤會貲盡奔家費產計程三千六百里往來僅六晝夜天寒涉漳水足指潰落適衝貴戚儀衛被筆幾斃卒得理如縣府獻蘭及明仁挽車載父母還鄉里朱志蘭後爲邑庠生

年七十餘卒

武朝龍

府志字海泉親老家貧事之益謹妹適王氏夫亡遺
子在抱家尤貧寡朝龍竭貲贍給二十餘年甥得成
立妹以節著朱志朝龍教子義方子紹周登進士歷
任有循積入爲吏部郎中

王道成

舊府志偃師人樂施予修書室二十餘間延貧士肄
業其中重修大成殿巽宮煥然朱志有貧婦邵氏年
老無依道成收養以終其身娶婦劉氏貧不能葬道

成賢相瘞之

李永悅

舊府志字還初偃師庠生孝友麗躬存心行事謙抑
自下邑人無不稱爲長者

楊守仁

舊府志字毅菴偃師人家貧嘗兩拾物約值百金悉
還本主毫無德色有司匾旌

楊梓

續通志字木王偃師人父卒三年不落髮不入內不
御酒肉事母益謹母歿盡哀如居父喪時

喬永榮

府志字顯聲偃師人族叔嵩琇無子其妻程氏僅四女永榮以從姪爲嗣事程氏養兼至妹四人厚其資奩家爲中落母卒後待之如初本生弟數蕩產永榮屢以已田與之無吝色人稱其難

張桓

府志字虎臣偃師人性孝母歿廬墓三年事父教養爾繪色養彌篤父病劇時桓年已六旬嘗糞以驗病勢歿後廬墓如母喪郡守李士迺旌其門

史宏緒

府志字繼光佩師庠生少醇謹事親孝居內外致哀
毀骨立建祠堂歲時祭祀如禮又設衣冠祠食二龕
分祀先世仕宦達人及無後者舉鄉飲饌賓

呂瓚

朱志字參一增生少以孝聞及長謹身力學博涉經
史有名伊洛間然性耿介未嘗涉公庭與諸弟友愛
最篤與人接則勸以爲善立昂肫如也年八十一無
疾卒子岳祚癸巳舉人鼎祚癸卯進士

王士彥

朱志字吉士邑增生析居時以肥產讓其兄弟自取

作良果記 卷一八
硤瘠叔祖憐之給田產勸人監士彥不受力學成名
巡撫雅爾圖旌其門

李振鐸

朱志字醒羣以廬居族不索租歲饑必以餘賑之歿
卽割地以瘞買僕還不索價娶妻遺之山東徐姓自
西遊歸過假病篤醫藥殮葬皆鐸經紀

姬周嗣

朱志字憲齋之篋父妻亡不再娶施塋地焚逋券盡
行尤多

王繼世

朱志字仁寰，舅氏年老孤，以腴田八十畝贖之，族叔老無依者，以莊院地，卹貧困，率類此。

郭鼎龜

朱志增生，父舌耕於外，獨與母居，澣濯厨饌躬任之，每執爨挾書而讀，十七入庠，不樂言仕進，召養彌篤，年八十二卒。子楠、卿、乙酉舉人。

張熙

朱志字帝載，歲貢生，慷慨好義，嘗代人贖子女，又施義井，捐地畝讀書，太學者三年。

趙秉量

府志字公掄增生鄉里多所周給嘗置二僕女人且多金購爲妾堅却之爲擇配嫁之有負債者皆焚其券

李希藩

府志偃師庠生博學好義晚年違於岐黃多所全活台藥救人取卮子世汪世熹俱廩生

郭宗周

府志偃師人事繼母劉以孝聞劉愛之不異已出劉子延周見兄食指衆求與兄合爨兄不可其母力之終身同居鄉人兩義之

郭樂周

府志偃師庠生母年老失明繼周寢食必親侍尤
義多周濟貧乏鄉里稱爲善人

高

府志字顯齋偃師人父患癱數月不愈曷口吮其膿
血而愈

王坤

府志字萬生偃師人性孝少喪父祖母郭氏母法氏俱
孀居會祖國佐爲諸生驟而奉命坤就外傳對曰三
世白髮心注一孤何忍一刻離耶因日以孝經誦於

德興縣志 卷十八
旁邑養脩至後舉鄉飲介賓

戴楷

府志字聖木偃師增生性坦易近人篤於學以孝友稱晚年寄情吟咏以自適以長子書紳貴

諱封奉直大夫季子書丹舉人

裴希伊

府志字覺齋偃師人幼失怙依母膝下先意承志事三兄甚敬侍兄疾衣不解帶者累月尤精岐黃人求者雖寒暑不避愈輒忘之

喬欽

府志偃師庠 生篤於實行嘗出已田建祠堂以合遠
族子履信廉 俸所餘恤貧助喪不可枚舉三舉鄉飲
任士堯

府志偃師庠 生家世仁讓自任德溥傳世十代同居
共幾士堯爲 家督更立規條內外肅然一門百口無
間言子天理 庠生

王啟賢

府志偃師人 端方好義陝西劉某遺數百金於岳家
灘啟賢拾而 還之有司獎其義

續通志彙載

李興泰鮑悅齊楊富俱優師人三人割骨療親疾

楊景賢張戊偃師人賢乞食養親戊蹈火赴媻母之難
按朱志載張戊事父母以孝李向顏赴媻母難

朱志彙載

王牧鰥居不娶者廩生王廷旦品行端方者監生

王大興王大謨韓國臣戴鵬霄董國士常玉乙李生恩

郭秀英賈守芳監生段成繡趙瑜監生鐵重器李生養

張繼先蘓接聖李發榮李含輝皆捐金粟賑饑者生

員李希靖姬橫田茂雲生員王琦張起朝儒士王顯鳳

生員姬卜世席君敬彭貞元皆輕財重義優卹族黨者

生員王長民監生王廷陳生員王惠民施船濟滯者
監生段若炳建茶菴濟行人者 張繼業姬宜生張
良學拾金不昧者候選吏目張琳監生段若蘭買僕聽
其自還者生員蕭涵徐大有徐斯皆建楊村渡橋者

任天篤

節 旌表事實始末及劉太守九世同居記儒學翁
生任天篤任氏家長居顧縣鎮自其四世祖光玉至
四世孫瑞豐九世同居共養男婦共一百六十餘口
先是庠生士堯爲家督立家訓四條天篤等遵守焉
首重喪祭以老幼爲豐儉用朱子家禮不用僧道冬

至祭始祖立春祭先祖稟程子意兼合邱文莊累世同居得行立春一祭之諭家僅地四頃食指繁婚嫁議儉新婦入門許用綉綺廟見後卽貯公厨止給布衣女十歲授以棉花教紡織隨時變易以爲粧奩之資慮家道之離恒起婦人新婦廟見三日後卽以此反覆開導俟無間言乃使執中饋比二年自操井白理饗殮年五十始不執役或不終所天者各婦更番代之無累以勞用勸貞孝厨分內外左右男婦以先後次食世行敦朴無外交歲時饋問有定規親鄰中有貧者必委曲周卹子弟讀書外唯學醫活人

許棗謝餘皆自食其力亦不敢輕斥前輩名於乾隆
五十一年河南巡撫何裕城以九世同居事奏

聞

鄉賜詩章匾額以旌其門加

賞大緞二疋白銀五十兩令其自建坊

張大觀

採訪事實本城人家貧性孝乾隆二十六年洛水入
城奉母避奎樓水勢洶湧衝樓傾大觀左手爲石柱
截斷若不知躍身水中尋母出沒者屢其孫泣於水
面不顧獨隻手舉母出置於樹間又負痛浮水求食

傳聞錄 卷一
三
啖母水退大觀手傷發竟死母壽至九十六歲

李彥道

採訪事實窮鄉村民以貧受備於人愚魯不識字獨能孝父母朝夕食必潔甘旨四盤以進肅容跪拜成禮起則和聲愉色以勸俟父母膳畢極歡然後去如是者五十餘年恐父母寂處工少息必急趨歸膝下撫摩笑舞呼曰兒在兒在人稱血性孝子主人廉矩其實敬之不責以勞伙助之父母年皆大耋彥道益瘦今猶在

龐廷實

節武億撰墓誌銘廷實字方珍國子生幼貧承繼叔
祖營費甘旨無缺自糊口不給未嘗告瘁親族諸姑
姊妹多窮無依凡教育婚嫁孤子女身肩其事雍正
年間友人張某以事被逮洛陽且不測廷實夜奔赴
墮大溝中爲他器物戕入腰脊寸餘血流沒踵起不
顧行益疾抵明馳七十里至繫所一衣重殷望之羸
迫無人色竟銳身居間爲某脫歸聞者義之季子鳳
桐歲貢生孫焜丙午舉人

劉燦

採訪事實字輝山監生居賈於市獨不爲權謀術市

糧騰貴開已困平糶多不索錢給人籽種擇美穀不
取值某村婺婦將再嫁聘錢爲夫償債燦闕急遣其
妻携金與婦俾償之後某婦竟以貞節著名里閭間

趙廷煒

採訪事實字輝生親老遂棄學服買嘗艤舟襄陽渡
日夜聞近岸人家哭聲悲痛訪知車戶中途爲賊攫
去客貨客送之官追償無措將妻女鬻於他客已成
劑矣母女不忍離廷煒檢囊中有百餘金勸客收之
毀其券以全妻女兩人之節亦不問車戶姓名而歸

張廣發

採訪事實廣發性友愛兄廣智病疫已陳小歛衣寬
發傷痛無措急以口佈兄口噓已氣以楚之良久兄
賴以蘇而穢氣已入廣發肺腑仆於地數日竟死聞
者皆爲流涕

秦應泰

採訪事實字暉山性至孝雍正十二年伊洛暴漲應
泰母甫歿未葬聞水將至撫棺號泣預以繩橫繫於
棺跪挽之或勸之去不應已而水大至衝房屋應泰
隨母櫬流下沿岸衆急救之得免棺亦無恙河內王
姓寓邑貸應泰貲力不能償父歿應泰焚其券仍予

傳自縣志 卷十八
麥一斗俾養其母

王世福

採訪事實字祥遠庠生好義兄貿易折閱負債二百餘金世福鬻己產代償其入義之僅收其半有姪婦矢翁姑意將出之世福曰此不教之過也收至己家教以大義數年婦悔艾送歸竟以孝著徙居北窪地福陋世福設塾廣教不受脩脯讀書者遂衆里人德之爲改北窪爲仁化村

韓烈顯

採訪事實字文韜義士佐之七世孫攷授縣尹慷慨

好義康熙六十年大饑族黨數百餘家皆謀流徙
顯盡出其貲安輯之咸依爲命有賊數十騎黎明
烈顯家洶洶欲劫奪族黨哀號請命賊相顧嘆息曰
有財者能揮霍如是輦其金不義捨之去

韓輝 韓桐

採訪事實輝義士佐之八世孫有族孫丑幼失怙恃
孤苦至不能自存輝終身畜養如己子胞弟桐幼喪
父十歲時母改父衣衣之桐知之泣然泣曰兒不忍
穿也兄輝有惡疾久瘳桐侍湯藥不避污穢與兄共
床寢不解衣帶數年不入內室兄歿教姪成立子甲

辰好學能搜邑漢晉以來金石文字

王重莘

採訪事實莘事廢疾母以孝聞母有義子待之如骨肉康熙年間河北大饑有某村民扶老挈幼就食偃師莘憐之以已樂義村廬舍數十間令就居已而不戒於火某慚懼欲自縊莘急趨拊其背曰癡漢此何難了事而輕生耶仍葺之使居如初

秦應聘

採訪事實應聘事父以孝聞父歿殯葬事必援引古禮期合樞在堂事必稟命而行如生時父葬後日

遺墓次其他不收饑荒賣子女贖價更厚贈遺之
薦以已米出糶價減十分之半義行尤多河南郡守
張珽旌其門

張德富

採訪事實字子潤年十五父珩患暑症口不能入藥
德富以口哺之父歿哀毀瘠甚母與兩祖母皆衰老
成大饑棄書爲裨販走數百里歸以所易糧奉膳輒
出輒歸烈日嚴冰足爲風祖母蘭壽八十五祖母王
壽一百零五歲皆德富承歡願養所致

楊璞

採訪事實璞寺庄村農乾隆辛巳年伊洛暴漲璞負
母抱子將登高阜以避至中流水勢洶湧璞棄其子
獨與母隨波出沒迅流八十里至鞏縣神堤灘觸河
岸負母出水得生而其子亦被人拯救母子孫三人
俱無恙人咸以爲孝所感云

增生呂多祚行誼端方事父兄曲盡其道者 歲貢陳
方桂歲貢王維祺處士段潛庠生段浩王成勳監生段
坦庠生段九疇皆行誼端方者 張麟圖奉養伯父母
者 貢生蔡文澍民鮑洛張元福皆剛卹族鄰者

生張有慶王 餘皆義不再聚者 教諭楊爾慈生員

璠監生智燈 張遂王天秩郭永福王遠遠王綱傅
鵬民化于訓張緒良李英發郭南齡郭如恒李希恒
呂士鴻王國瑞石琮段采章陳元祿趙洪智皆樂善好
施者 牛照隣董挺李哲王成士張扶桂黃大成陳景
鼓皆拾金不昧者 張紹先鄉飲王翼龍皆焚券不責
償者 監生張天秩袁大章皆買婢聽還者 生員張

夙蘊康熙五十一年捐王家庄橋田者候選州同張炳
監生胡愷楊芳壽黃潞楊芳祿楊芳福周振聲皆乾隆
三十年捐地造王家庄橋梁者高九成高林傅文保王
天保許永福皆乾隆三十六年捐地造王家庄橋梁者

候選州同姬麟錫造橋施義田者張魁文造育村橋者
段和年魏存誠皆捐貲造橋梁者趙秉乾孫庠生玉亭
皆造黃麟渡橋梁者監生鐵炳羅宗聖皆建茶菴捐地
者張正體開太后岡下路者蕭書生遠負父骨歸
歸者楊應會楊搗謙石方來張繼寬馬宏濟景起武
漢賢薛良椿皆學醫活人不索謝者庠生韓彬庇護
黨急難者監生韓廷甲買僕聽還者監生曹秉誠張
重山民曹秉智曹秉信張履中溫和張履正溫潤張
義曹秉善皆募眾捐貲創修三台峯下車路二十餘
長一丈寬能通商賈以裨並境內者

曹秉善

同縣志卷十九

翰林院編修孫星衍

同纂

偃師縣知縣湯毓倬

逸傳

問

伯夷叔齊

史記孤竹君之二子也讓國而逃武王伐紂伯夷叔齊叩馬而諫不聽左右欲兵之太公曰此義士也扶而去之武王已平殷亂天下宗周而伯夷叔齊耻之隱於首陽山采薇而食之及餓且死作歌其辭曰登

彼西山兮采其薇矣以暴易暴兮不知其非矣黃農
虞夏忽焉沒兮我安適歸矣吁嗟徂兮命之衰矣
餓死於首陽山水經注河水南對首陽山春秋所謂
首戴也夷齊之歌所矣括地志叩馬里在縣東三十
里夷齊叩馬諫武王卽此

漢

王奕

盧元明緱山記奕隱於緱山景帝屢徵不出遂就山
封隱侯

唐

岑參會隱嶽山西峰結西峰草堂見參集中詩

王處士

岑參有過嶽山王處士黑石谷隱居詩

王璵

王季友有滑中贈崔高士璵詩

滑中卽
璵氏

蕭處士

唐許渾有送蕭處士歸嶽山別業詩

國朝

程戴沐

舊志字參斗明末貢生博學嗜古土寇李際遇犯境
戴洙與衆築寨捍禦諸村庄特以爲安 國初除
東新寧縣知縣辭不就築斗室朝夕讀書足不踰
一有生員楊鳳起者與戴洙同時爲口子寨長同事
專以生殺自恣鳳起以情理遣解多所全活寨人亦
特得安

聖國士

耿介中州道學編本傳字爾知以字行河內人七歲
就塾師知攻苦力學家素貧奉父居偃師之猴山下
讀書講道從遊者日衆聞聲城徵君鍾元倡道蘇

之去學于業從受學得聞伊洛淵源之旨欣然至
寢食徵君既歿終復還嶽山營構數椽題曰存一
讀書其中甚自得也暇則携榼與二三同志登子
吹笙嶺跌坐古柏下談詩論文竟日忘返俄感疾
作晚詩沐浴更衣視手足卒

流寓傳

漢

李膺

蘇倬按舊志以李膺入流寓歿後漢書膺本傳初任
烏桓校尉以公事免官退居綸氏山中教授常千人

唐章懷太子注
綸氏今陽城縣

後爲司隸校尉遭黨事赦歸里居陽

城山中無居縑氏教授之事惟漢綸氏故城在縑氏

縣南六十里綸氏曩屬縑氏縣金時改入登封爲類

陽鎮是膺當入登封流寓不當混作縑氏入假師也

朱志引杜牧贈給事李敏詩元禮舊從縑氏學爲註

亥牧自注李膺退罷歸綸氏教授生徒亦遵用後漢

書則詩中縑氏當是筆談

盧植 公孫瓚

後漢書瓚本傳瓚遼西令支人從涿郡盧植學於縑

氏山中畧見書傳舉上計吏其豚酒於北邙山

人墮坐慷慨涕泣再拜而法

傳按舊志載植入流寓無所徵信朱志以植本傳
蓋卓欲誅植梅詭道從轅轅出卓使人追至懷州不
及植歸隱山谷並無居偃師事刪之今攷後漢書公
孫瓚本傳有從植學經氏山中之事是植教授於此
無疑故與瓚同載入

張伯大 鄧子敬

風俗通居緱氏城中相敬愛如兄弟以教授養聲價
伯大爲議郎益州太守子敬辟司徒

魏

王弼

魏志鍾會傳並注字輔嗣山陽人王粲族孫居偃師
註釋老子尤精易學初與鍾會並知名爲尚書郎年
二十四卒葬於偃後封偃師伯

梁

徐徹

新唐書及宏簡錄徐文遠傳父徹仕梁爲秘書郎尙
元帝安昌公主江陵陷俘入咸陽遂家洛州偃師
輒倖按舊志載徐孝嗣爲偃師人查齊書孝嗣東海
郯人仕齊爲司空丹陽尹新唐書及宏簡錄文遠

世孫父徹始家偃師孝嗣在齊時實非偃師
舊志誤以徹爲孝嗣子又誤以孝嗣爲陳司徒故志
志不載人物但徹旣遷家偃師宜載入流寓今補入

後周

曹鄴

舊志蔡人樂道明義嘗讀書緱氏後封上蔡侯

唐

包愷

舊志嘗讀書緱氏山下

毓倬按隋書包愷本傳字和樂東海人爲國子助教

聚徒教授著錄者數千人未詳立教之地舊志據唐書李密傳載入流寓詳見下今仍之

李密

唐史列傳字元邃遼東襄平人以磨爲隋左親衛大都督東宮千牛備身旋謝病去憤屬讀書聞包愷在緱往從之以蒲羈乘牛挂漢書一帙於角上行且讀楊素適見於道按轡蹠其後曰何書生勤乃爾密謙素下拜問所讀曰項羽傳因與語奇之

杜甫

舊唐書文苑傳字子美本襄陽人後徙河南鞏

依藝位終華令元稹杜君墓誌銘當陽成侯姓杜氏下十世而生依藝甫祭遠祖當陽君文開元二十年小子築室首陽之下不敢忘本不敢忘仁奉寔河南韋尹丈人詩原注甫故廬在偃師又有憑孟翁曹將書覓土婁舊莊詩

蘇禔按子羨自開元二十九年至天寶四年皆居偃師有田園曰陸渾莊又曰土婁莊

梁

從周

五代史列傳字通美濮州鄆城人從朱溫爲大將數

立戰功擢爲宣義行軍司馬溫又表泰寧軍節度使
溫卽位拜金吾衛上將軍以疾致仕拜右衛上將軍
居於偃師末帝卽位拜昭義軍節度使封陳留郡王
卒贈太尉

趙的

宋史趙及本傳字希之良鄉人事契丹雍熙中王師
北征乃歸授偃師令因家焉子及

若谷

一 孟簡錄字子淵徐州人少孤遊學依姻家趙

其父母嫁氏登進士補長社尉州募兵饑民
體木更多苛苦輸者欲以取昧若谷爲程置庭中辨
其長短大小使民自輸改大理丞知宜興官市置籍
勾檢湖汝茶稅舊例茶惡者沒官若谷許民轉買以
復其數民甚便之移知連州真宗將朝太清選通判
亳州遷度支員外權三司戶部判官出爲京東轉運
使會河決白馬調取芻槀同列盧士倫意趨刻擾而
若谷寬之士倫不悅構於朝使知陝州盜聚青灰山
遣牙吏招降之改梓州天聖初判三司戶部勾院使
契丹陞辭不俟垂簾請對遽詣長春殿奏事罷知判

南郡有土族恃廕屢犯法若谷杖之曰吾代若父兄
誦爾王蒙正挾太后嫻爲駐伯都監橫肆若谷繩以
法監司右蒙正奏徙知潭州畧遷太常少卿集賢殿
修撰知滑州河齧韓村堤夜馳往督兵爲大埽至且
堤完以右諫議大夫知延州延有東西兩城夾河夏
秋水溢岸輒圯役費不可勝若谷乃疊石版押以巨
木後不復壞官倉依山而貯穀少使作露囤可貯二
萬斛他郡多取爲法遷給事中知壽州豪右多分占
芍陂夏雨溢嘗盜決若谷捕冒占田者逐之每決輒
誦灑陂諸豪使塞堤盜決乃止加集賢院學士知江

李選凶當三班院進龍圖閣直學士知河南府勅使
等事過者需索煩擾若谷奏令鴻臚預約所議移府
選爲管辦改樞密直學士知并州民貧失婚姻者出
私錢以助贖壻或亡賴委妻去爲立期不還許更嫁
并多降人喜盜竊爲籍其累犯者三人爲保有犯并
坐悞者削去籍名除工部侍郎知開封寶元初拜參
知政事讒者忌范仲淹諸人誣以朋黨激上怒若谷
言風俗美惡在上之人作而新之今一概目以朋黨
恐正人無以自立帝悟爲下詔諭中外尋以耳疾辭
任罷爲資政殿大學士吏部侍郎提舉會靈觀加太

子少傳致仕卒年八十贈太子太傅諡康靖

呂太臨

程子全書字與叔藍田人程子門人嘗讀書於緱氏山中

范鈞

舊志字君佐蘓州人僑寓緱氏慶歷六年賈黯榜進士試戎事國之大事賦兩漢循良孰優論授儒林郎

范凱

司馬溫公家集字和甫寓居偃師

之

一 府志芝田鄉人楷讀書緱氏山中正大中舉進士
一 一
魏倬按芝田鄉唐屬緱氏縣見權德輿李公墓誌銘
童鈺云緱山舊隸永安金改永安爲芝田鎮今屬鞏
縣有盧亞狀元坊是亞在金時已屬鞏縣籍以曾學
緱山載入流寓舊志入人物則非

王震

金史本傳字城卿其先東虜人元好問墓表世居洛
陽徙東勝章宗明昌二年經童出身中王綱榜詞賦

進士授偃師主簿子思溫舉進士

輒倬按史本傳無家偃師之說然據元好問震墓表及雷淵王思廉碑其塋在今緱氏宜載流寓

元

諱天祥

元史本傳字吉甫趙州晉寧人以兄祐仕河南遂家洛陽元中統初授河南宣尉司千戶屯三义口防遏宋兵事平罷歸居偃師南山躬耕讀書從遊者日衆所居近緱氏山因號緱山先生起招討司經歷拜監察御史抗疏極諫至元中累官中書左丞議權

事移次歸屢辭不起卒年八十追封趙國公諡文貞
有所著文集子孟溫舉進士

愈亦

善志襄陵人舉進士爲河南省都事居緱氏有所著
知藥子樂閑十詠

何順

善志字和從陝西臨洮府人永樂己丑進士累官辰
州府知府有清操卒於官子冕扶柩至偃遂葬於邯
山之陽因家焉冕以拔貢授直隸慶雲縣訓導冕子

永成年九十三歲鄉飲耆賓

字寧

舊志字士安永樂十八年授交阯布政司新安府東
潮州安老縣簿判宣德六年十月調偃師主簿休致
後遂家焉

國朝

鄭謫星

舊志字無儕江西泰和人順治間流寓至偃丁詩能
所施不羈以病卒藁葬城南